



საქართველო

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტი

ტელ : (+995 032) 228 54 48, ელ.ფოსტა contact@sca.ge, ჩაქვი, ბ.მეგენიშვილის ქ. N25

აჭარის ავტონომიური რესპუბლიკის
უმაღლესი საბჭოს აპარატის საორგანიზაციო
და საქმისწარმოების დეპარტამენტის უფროსს
ბატონ გიორგი ბერიძეს

ბატონო გიორგი,

აჭარის ავტონომიური რესპუბლიკის უმაღლესი საბჭოს რეგლამენტის 84-ე მუხლის და 138-ე მუხლის მე-4 პუნქტის საფუძველზე წარმოგიდგენთ საფინანსო-საბიუჯეტო და ეკონომიკურ საკითხთა კომიტეტის მიერ საკანონმდებლო ინიციატივის წესით მომზადებულ “აჭარის ავტონომიური რესპუბლიკის უმაღლესი საბჭოს 2020 წლის ბიუჯეტის პროექტის დამტკიცების შესახებ” აჭარის ავტონომიური რესპუბლიკის უმაღლესი საბჭოს დადგენილების პროექტს.

გთხოვთ, მისცეთ შესაბამისი მსვლელობა.

დანართი 5 ფურცელი

პატივისცემით,
კომიტეტის თავმჯდომარე



გიორგი რომანაძე

აჭარის ავტონომიური რესპუბლიკის
უმაღლესი საბჭოს
დადგენილება

აჭარის ავტონომიური რესპუბლიკის უმაღლესი საბჭოს
2020 წლის ბიუჯეტის პროექტის დამტკიცების შესახებ

აჭარის ავტონომიური რესპუბლიკის უმაღლესი საბჭო ადგენს:

1. „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონის 26¹-ე მუხლის პირველი პუნქტისა და აჭარის ავტონომიური რესპუბლიკის უმაღლესი საბჭოს რეგლამენტის 138-ე მუხლის პირველი პუნქტის შესაბამისად, დამტკიცდეს აჭარის ავტონომიური რესპუბლიკის უმაღლესი საბჭოს 2020 წლის ბიუჯეტის პროექტი.
2. უმაღლესი საბჭოს 2020 წლის ბიუჯეტის პროექტი განისაზღვროს 5 216,8 ათასი ლარის ოდენობით, მათ შორის:
 - ა) ხარჯები 5 176,8 ათასი ლარი;
 - ა.ა) შრომის ანაზღაურება 3 433,2 ათასი ლარი;
 - ბ) არაფინანსური აქტივების ზრდა 40,0 ათასი ლარი.
3. უმაღლესი საბჭოს მომუშავეთა რიცხოვნება განისაზღვროს 117 სამტატო ერთეულით.
4. აღნიშნული დადგენილებით განსაზღვრული თანხები გათვალისწინებული იქნეს „აჭარის ავტონომიური რესპუბლიკის 2020 წლის რესპუბლიკური ბიუჯეტის შესახებ“ აჭარის ავტონომიური რესპუბლიკის კანონის პროექტში.
5. დადგენილება ამოქმედდეს მიღებისთანავე.

აჭარის ავტონომიური რესპუბლიკის
უმაღლესი საბჭოს თავმჯდომარე

დავით გაბაიძე

ჩაქვი

-- ივნისი 2019 წ.

ი. მოქ

გ ა ნ მ ა რ ტ ე ბ ი თ ი ბ ა რ ა თ ი

**„აჭარის ავტონომიური რესპუბლიკის უმაღლესი საბჭოს
დადგენილების პროექტზე „აჭარის ავტონომიური რესპუბლიკის
უმაღლესი საბჭოს 2020 წლის ბიუჯეტის პროექტის დამტკიცების შესახებ“**

ა) ზოგადი ინფორმაცია დადგენილების პროექტის შესახებ:

ა.ა) დადგენილების პროექტის მიღების მიზეზი

დადგენილების მიღება განპირობებულია „აჭარის ავტონომიური რესპუბლიკის საბიუჯეტო პროცესისა და უფლებამოსილებათა შესახებ“ აჭარის ავტონომიური რესპუბლიკის კანონის 26¹-ე მუხლის შესაბამისად, რომლის თანახმადაც უმაღლესი საბჭოს ბიუჯეტის პროექტის ფორმირებას და მთავრობისათვის წარდგენას უმაღლესი საბჭოს რეგლამენტით დადგენილი წესით უმაღლესი საბჭო უზრუნველყოფს, არაუგვიანეს საგაზაფხულო სესიის დასრულებამდე. უმაღლესი საბჭოს ბიუჯეტი მტკიცდება უმაღლესი საბჭოს სხდომაზე, დადგენილებით.

პროექტის საფუძველია უმაღლესი საბჭოს აპარატის უფროსის 2019 წლის 15 მაისის N964 წერილი.

ა.ბ) დადგენილების მიზანი

დადგენილება შემუშავებულია უმაღლესი საბჭოს 2020 წლის გადასახდელების დაფინანსების უზრუნველყოფისათვის.

ა.გ) დადგენილების ძირითადი არსი

დადგენილებით ხორციელდება უმაღლესი საბჭოს 2020 წლის გადასახდელების დაფინანსების მოცულობის განსაზღვრა ცალკეული მუხლების მიხედვით.

საბიუჯეტო კლასიფიკაციის მუხლები:	2019 წლის დამტკიცებული ბიუჯეტი	2020 წლის ბიუჯეტის პროექტი	სხვაობა
1	2	3	4
მომუშავეთა რიცხოვნება:	117	117	0
სულ გადასახდელები:	5046800	5 216800	170 000
ხარჯები	5006800	5176800	170 000
შრომის ანაზღაურება	3433220	3433220	0
საქონელი და მომსახურება	1533580	1633580	100 000
სოციალური უზრუნველყოფა	20000	90000	70 000
სხვა ხარჯები	20000	20000	0
არაფინანსური აქტივები	40000	40000	0
ვალდებულებები	0	0	0

ბ) დადგენილების პროექტის ფინანსური დასაბუთება:

ბ.ა) დადგენილების პროექტის მიღებასთან დაკავშირებით აუცილებელი ხარჯების დაფინანსების წყარო

დაფინანსების წყაროა აჭარის ავტონომიური რესპუბლიკის რესპუბლიკური ბიუჯეტის სახსრები. მიმდინარე წელთან შედარებით იზრდება მომავალი წლის ბიუჯეტი.

ბ.ბ) დადგენილების პროექტის გავლენა აჭარის ავტონომიური რესპუბლიკის რესპუბლიკური ბიუჯეტის საშემოსავლო ნაწილზე

დადგენილების პროექტის მიღება გავლენას არ მოახდენს მიმდინარე წლის ბიუჯეტის საშემოსავლო ნაწილზე.

ბ.გ) დადგენილების პროექტის გავლენა აჭარის ავტონომიური რესპუბლიკის რესპუბლიკური ბიუჯეტის ხარჯვით ნაწილზე

დადგენილების პროექტის მიღება გავლენას არ მოახდენს მიმდინარე წლის ბიუჯეტის ხარჯვით ნაწილზე. იზრდება მომავალი წლის ბიუჯეტის ხარჯვითი ნაწილი. რაც ძირითადად განპირობებულია „დაგროვებითი პენსიის შესახებ“ საქართველოს კანონით გათვალისწინებული დასაქმებულზე გასაცემი საპენსიო შენატანის განსახორციელებლად.

ბ.დ) აჭარის ავტონომიური რესპუბლიკის ახალი ფინანსური ვალდებულებები

დადგენილების პროექტის მიღება არ წარმოშობს ახალ ფინანსურ ვალდებულებებს.

ბ.ე) დადგენილების პროექტის მოსალოდნელი ფინანსური შედეგები იმ პირობით, რომელთა მიმართაც ვრცელდება დადგენილების პროექტის მოქმედება

დადგენილების პროექტის მიღება მომავალი წლისათვის არ იქონიებს უარყოფით გავლენას საშტატო ერთეულით გათვალისწინებულ მოხელეებზე.

გ) დადგენილების პროექტის მომზადების პროცესში მიღებული კონსულტაციები:

გ.ა) სახელმწიფო, არასახელმწიფო ან/და საერთაშორისო ორგანიზაცია/დაწესებულება, ექსპერტები, რომლებმაც მონაწილეობა მიიღეს კანონის პროექტის შემუშავებაში, ასეთის არსებობის შემთხვევაში

დადგენილების პროექტის მომზადების პროცესში კონსულტაციები არ არის მიღებული

გ.ბ) დადგენილების პროექტის შემუშავებაში მონაწილე ორგანიზაციის (დაწესებულების) ან/და ექსპერტის შეფასება დადგენილების პროექტის მიმართ, ასეთის არსებობის შემთხვევაში

ასეთი არ არსებობს

დ) დადგენილების პროექტის ავტორი

დადგენილების პროექტის ავტორია აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტი.

ე) დადგენილების პროექტის ინიციატორი

დადგენილების პროექტის ინიციატორია აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტი.



საქართველო

აჭარის ავტონომიური რესპუბლიკის უმაღლესი
საბჭოს საფინანსო-საბიუჯეტო და ეკონომიკურ
საკითხთა კომიტეტი

დასკვნა

აჭარის ავტონომიური რესპუბლიკის უმაღლესი საბჭოს საფინანსო-საბიუჯეტო და ეკონომიკურ საკითხთა კომიტეტმა 2019 წლის 23 მაისის სხდომაზე, აჭარის ავტონომიური რესპუბლიკის უმაღლესი საბჭოს რეგლამენტის 138-ე მუხლის მე-4 პუნქტის შესაბამისად, განიხილა აჭარის ავტონომიური რესპუბლიკის უმაღლესი საბჭოს 2020 წლის ბიუჯეტის პროექტი.

საფინანსო-საბიუჯეტო და ეკონომიკურ საკითხთა კომიტეტმა მხარი დაუჭირა წარმოდგენილ პროექტს და მიზანშეწონილად მიაჩნია „აჭარის ავტონომიური რესპუბლიკის უმაღლესი საბჭოს 2020 წლის ბიუჯეტის პროექტის დამტკიცების შესახებ“-აჭარის ავტონომიური რესპუბლიკის უმაღლესი საბჭოს დადგენილების პროექტი განსახილველად გადაეცეს უმაღლესი საბჭოს ბიუროს შემდგომი პროცედურებისათვის.

კომიტეტის თავმჯდომარე

გიორგი რომანძე

ა მ ო ნ ა წ ე რ ი

აჭარის ავტონომიური რესპუბლიკის უმაღლესი საბჭოს
საფინანსო-საბიუჯეტო და ეკონომიკურ საკითხთა კომიტეტის
2019 წლის 23 მაისის სხდომის №3 ოქმიდან

მოისმინეს:

გიორგი რომანაძის მოხსენება აჭარის ავტონომიური რესპუბლიკის უმაღლესი საბჭოს დადგენილების პროექტზე - „აჭარის ავტონომიური რესპუბლიკის უმაღლესი საბჭოს 2020 წლის ბიუჯეტის პროექტის დამტკიცების შესახებ“. მომხსენებელმა აღნიშნა, რომ საკანონმდებლო ინიციატივის დაწყების საფუძველი არის უმაღლესი საბჭოს აპარატის უფროსის 2019 წლის 15 მაისის N964 წერილი.

აზრი გამოთქვას:

ბ.შარაშიძემ, ნ.ჩხეტიამ, ვ.წულაძემ, გ.აბულაძემ.

გადაწყვეტეს:

კომიტეტმა მხარი დაუჭირა აჭარის ავტონომიური რესპუბლიკის უმაღლესი საბჭოს 2020 წლის ბიუჯეტის პროექტს და მიზანშეწონილად მიაჩნია დადგენილების პროექტი განსახილველად გადაეცეს უმაღლეს საბჭოს ბიუროს, შემდგომი პროცედურებისათვის.

კომიტეტის თავმჯდომარე

გიორგი რომანაძე